

四庫全書存目叢書總纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

史部  
第八冊

責任編輯：孫言誠 賀 偉

ISBN 7-5333-0535-3



2880/08

# 四庫全書存目叢書·史部八

(大陸版，限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092 毫米 16 開本 53.375 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

# 史部第八冊目次

史部・編年類

皇明大政紀二十五卷(二)

〔明〕雷禮等輯

吉林大學圖書館北京大學圖書館藏明萬曆三十年秣陵周時泰博古堂刻本

.....  
—

# 皇明大政紀二十五卷(二)

〔明〕雷禮等輯

吉林大學圖書館北京大學圖書館藏明萬

曆三十年秣陵周時泰博古堂刻本

附《四庫全書總目·明大政記

二十五卷》提要

皇明大政紀卷之八

臣豐城雷禮謹輯

餘姚朱錦謹校

金谿閔師孔謹訂

乙未永樂十三年正月庚子朔

上御奉天殿受朝賀大宴文武羣臣及四夷朝使

丁未享太廟皇太子代行禮

甲寅大祀天地於南郊皇太子代行禮

前交趾叅議解縉死於錦衣衛獄徙其家于遼東

初上欲征交趾縉謂自古羈縻之國得其地恐亦難守

上不喜東官而寵高煦縉謂不宜過寵致起覬覦縉由

此得罪

行平交趾功賞

二月會試天下貢士于北京命翰林修撰梁潛王洪主

考試事取洪英等三百五十人

潛主考得一卷三場俱優取定為會元拆卷乃陳循以

鄉曲避嫌欲取林文結又以結字難識進呈不便因見

第五名洪英曰此洪武英才也取第一名改循第二王

朔第三上見朔名喜北京初啟會闈而經魁得一畿

甸士遂以布衣召見賜酒飯勞之後朔至宮保太宰

為世名臣遭逢固不偶云

三月乙卯廷策會試中式舉人賜陳循李貞陳景進士

及第王翺等九十五名進士出身。余慶等二百五十二名同進士出身。賜宴于甯守行後軍都督府。

時鴻臚寺無卿丞張斌任事。恃城守功最。恨疾多所中傷。人頗憚之。以不與讀卷致爭論。上前不已。御史黃宗載奏斌不學無識。不可以讀卷。乃敢煩瀆。聖聽當伏法。士論壯之。

庚申禮部奏建進士題名碑于北京國子監。命左庶子楊榮讀記。

命翰林再會試下第舉人。續取二十四名。並賜冠帶。給教諭。俾送國子監進學。以待後科。

禮部尚書呂震請大嚴山呼萬歲。不許。

皇明大政紀

卷八

二

貴州左布政使蔣廷瓚言。去年北征班師。詔至思南府。

發川縣大巖山。有聲連呼萬歲者三。咸謂皇上恩威

遠加山川。效靈之徵。已震請率羣臣上表賀。上曰。人

臣事君。當以道阿。諛取容。非賢人君子所為。呼謄山谷

空虛之聲。相應理合有之。布政司官不察。以為祥。爾為

國大臣。不能辨其非。又欲進賀媚朕。非君子事君之道

也。遂已。

罷海運糧。命平江伯陳瑄於湖廣江西造平底淺船二

千艘。以從河運。

歲運三百餘萬石。

四月。命征夷將軍英國公張輔鎮守交趾。

五月辛丑端午。駕幸東苑觀擊毬射柳。賜文武羣臣鈔。有差。儒臣胡廣楊榮金幼孜應制謨詩。加賜上尊束帛紗衣。

平江伯陳瑄開清江浦河道。

凡漕運北京舟至淮安。過壩渡淮。以達清河。挽運甚勞。

平江伯陳瑄時總漕運。故老為瑄言。淮安城西有管家

湖。自湖至淮河。鴨陳口僅二十里。與清河口相值。宜鑿

河引湖水入淮。以通漕舟。瑄以上聞。遂發軍民開河。置

四閘。曰移風。曰清江。曰福興。曰新莊。以時啟閉。人甚便

之。

六月諭三法司。禁止妄告奸惡。不許擾害良善。

皇明大政紀

卷八

三

上曰。如今各處有妄告奸惡的好生。擾害良善。自今年

五月初八日以前。但有被告奸惡。已提到官。及未提到

的都饒了。不問今後。但有指以奸惡。為由。生事擾害良

善的。罪之不饒。

七月諭副都御史李慶禁戒守令貪殘。

諭曰。朕屢戒郡縣官。不許一毫取民。前濠州知州何敬

誅求剝削。已實諸法。近代州知州安損。武清知縣李潛

等。仍蹈覆轍。褻食貪殘。無異於敬。亦宜以法。爾宜備錄

所犯。以示牧民者。俾知所戒。懼。

九月己酉。五經四書性理大全書成。命禮部刊刻頒兩

京國子監及天下儒學。賜纂修官胡廣楊榮金幼孜等

鈔幣有差

諭曰此書學者之根本而聖賢精義悉具矣自昔成朕旦夕宮中披閱不倦所益多矣古人有志於學者苦難得書籍乃今之學者得此書而不勉力是自棄也爾禮部其以朕意曉天下學者盡心講明無徒視為虛文也上以御編為舍陰陽書示學士胡廣庶子楊榮諭德金幼孜各撰詩頌以進

上垂拱之暇乃取古人有陰陽而享其福慶顯有明效者彙次世代著其事蹟各為論斷且為詩以列之凡一十卷名曰為舍陰陽頌示四方

詩陵成進封武義伯王通為成山侯

皇明大政紀

四

十月吏部員外郎陳誠偕中官李達使西域還上西域記詔付史館

誠江西吉水人奉命出肅州嘉峪關自哈密歷土魯番至火州亦力把力于聞撒馬兒罕哈烈以至八答商柳陳城迭里迷洞石養夷塞藍連藍朱干沙鹿海牙凡十餘國無不徧歷宣布國家威德既而諸國各遣使隨誠等詣闕謝出使往還凡三歷寒暑誠回備錄其所歷山川土壤人民物產之異飲食衣服言語好尚之不同為西域行程記上之

九刺馬哈木遣使貢馬謝罪

十一月禮部尚書呂震奏麻林國進麒麟請羣臣上表賀

勿許

上曰往日翰林院修五經四書大全成欲上表進賀朕則許之麒麟有無何所損益其已之

勅諭甘肅寧夏大同遼東諸守將及河南山東山西陝西各都司中都留守司徐宿淮邵淮安揚州武平歸德睢陽潼關諸衛選所屬步騎兵遣能幹指揮千戶百戶統領操練俟赴北京閱視

兵部尚書陳洽請發兵討占巴的賴不許

洽言討陳季擴時占巴的賴雖聽朝命出兵不助然實陰懷二心請發兵征討上以交趾既平民方安業不忍窮兵遠夷但遣使齎勅諭之

皇明大政紀

五

十二月諭行在尚書方賓行太僕卿楊砥定北京牧馬諭曰北京論戶養馬其間丁有多寡宜與戶部計議均之賓等議以丁計為均請十五丁以下養一馬十六丁以上養二馬遷發為民種田者不論丁七戶養一馬從之

勅諭守寧夏寧陽侯陳懋豫防瓦剌

勅曰瓦剌使者言瓦剌馬哈木等處阿魯台與中國和好將為已害擬七月率眾至幹難河北俟冬襲阿魯台斯言雖未可信然吾邊境須有備益虜各譎詐惟有備無患大抵禦寇之道勿輕與戰但堅壁清野最上計也復勅陝西開平大同遼東亦如之

丙申永樂十四年正月甲午朔

上御奉天殿受朝賀大宴文武羣臣及四夷朝使

丙申擢太醫院醫士爲御醫賜之冠帶

丁酉享太廟皇太子代行禮

韃靼脫不花等來歸命爲副千戶賜官帶鈔幣

丙午大祀天地於南郊皇太子代行禮遣太常寺丞沈

與真復命

戊申元宵節賜文武羣臣宴

已酉北京河南山東民饑免永樂十二年逋租悉停買不

急之物仍命戶部遣官賑濟

俄民九十九萬九千三百八十口給糧百三十七萬

皇明大政紀 八卷

千九石有奇

壬子勅鎮守陝西豐城侯李彬速令前調官軍回還免赴

北京

癸丑建昌衛指揮僉事李顯忠及毛憐衛指揮使猛哥不

花等率其部屬郎卜兒罕札不哈等來朝命郎卜兒罕

札不哈等爲指揮千戶等官賜誥命冠帶襲衣鈔幣

乙卯奉寧衛野人頭目把安台來朝命爲都指揮僉事

右春坊右中允吳均等敬劾永新伯許成擅杖工部主事

王景亮宜正其罪皇太子以成武人不達事體姑曲宥

仍諭成守法保富貴

戊午勅平江伯陳瑄都督陳恭謝芳率舟師饋運糧儲赴

北京

己未以水災免河南懷慶彰德等府去年租稅

庚申琉球國中山王思紹遣侄王良臺貢馬及方物謝遣

使不謹之罪賜鈔幣遣還

辛酉命行在中軍都督金玉等帥兵征剿山西廣靈等縣

山寇劉子進等

子進廣靈人居鄉無賴嘗自言往石梯嶺遇道人授以

雙刀劍鐵翎神箭能驅役鬼神造爲妖言糾集鄉民劉

興余貴郝景瞻等作亂妄署職名以皂白旗爲號

奪太白王家莊驛馬殺大同等衛探木旗軍所過劫掠

人畜官軍莫能制事聞遂遣王等剿捕

皇明大政紀 八卷

癸亥四川鹽課提舉司請開煎鹽潼川蓬州西克南部安岳

射洪蓬溪等州縣高馬等九千五鹽井從之

洪武中以囚徒募辦歲得鹽二十五萬九千八百斤自

三十五年放遣囚徒各井至今封閉乞仍開煎

二月甲子朔

丁卯遣官釋奠先師孔子

戊辰祭大社大稷命皇太子行禮

庚午東昌府臨清壩成置壩官一員

裁減浙江昌化縣丞主簿

乙亥浙江布政司右叅議李彬坐贓免罰輸作

辛巳陞蜀府教授鄭楷本府左長史致仕

賜和寧王阿魯台使臣哈刺因等及建州左衛指揮猛哥帖木兒等宴

辛卯哈密忠義王李羅帖木兒及都指揮木納法虎兒使臣辭還賜絲幣表裏有差

三月癸巳朔長安殿成奉安仁孝皇后神位命趙王告祭

命都督梁福克總兵官往來湖廣貴州鎮守城池嚴飭兵備

庚子陞禮部左侍郎金純爲本部尚書協理部事

守三山門都指揮僉事孫勝夜不鎖水關事覺皇太子召問不以實對法司論當斬令旨免死謫從貴州總兵

星明大政紀 八卷

官梁福立功贖罪

壬寅和寧王阿魯台遣使奏戰敗瓦剌獻所俘人馬特賜宴勞彩幣部下有勞者陞都指揮指揮千戶百戶戰沒者賜祭

別失八里王馬哈麻卒遣給事中傅安等往祭勅其侄納黑失只罕嗣爲王與哈烈各釋怨睦隣

甲辰改趙王高燧封國於彰德漢王高煦於青州

時高煦奏願常侍左右不欲之國復賜勅曰既受藩封豈可常在侍下前封雲南憚遠不行與爾青州今又託故如果誠心留侍去年在此何以固欲南還是時朕欲留爾長子亦不可得爾侍之言殆非實意青州之命更

三不可辭

庚申前貴州普安安撫慈長有罪下獄死

先是慈長謀占管長黃暹阿賽地方私置金鼓旗幟火器聚衆殺掠強取人民囉囉妻爲妾不從遂殺其夫聞其子事聞命布政使孟驥勘視慈長復領兵萬餘圍驥驥以計擒之解京師將誅之而死于獄

辛酉修龍虎山上清宮及懿真觀

四月癸亥朔享太廟命皇太子行禮

丁卯勅甘肅總兵都督費獻嚴邊備

庚午貴州左布政蔣廷瓚奏思州思南府舊有土軍二千戶所聚則爲兵散則爲農不妨農事今改隸前軍都督府

皇明大政紀 八卷

又

專守軍律不得務農乞仍舊爲便從之

辛未琉球國中王思紹山南王他魯每各遣使貢馬及方物

壬申禮部祠祭司郎中周訥請封禪泰山刻石紀功德垂之萬世不許

尚書呂震言皇上至德神功昭格上下宜如訥請上謂震曰今天下雖無事然水旱疫疾亦間有之朕每聞郡縣上奏未嘗不惕然於心豈敢自謂太平之世封禪告成功乎且聖經未嘗言封禪唐太宗亦不爲封禪魏徵每以堯舜之事望太宗爾欲處朕於太宗之下亦異乎微之愛君矣爾當以古人自勉庶幾不忝宗伯之

一任

甲戌韓輜阿刺哈兒等九人各率家屬來歸 命阿刺哈兒爲都指揮僉事餘受指揮僉事俱賜冠帶文綺襲衣

乙亥命直內閣學士胡廣爲文淵閣大學士庶子楊榮諭德金幼孜俱爲翰林院學士並兼春坊原職

丁丑朝鮮國王李芳遠遣陪臣韓長壽等貢方物賀萬壽聖節

復設孟養軍民宣慰使司命故土官刀木旦次子刀得爲宣慰使

初刀木旦及長子思榮發爲緬甸土官那羅哈所殺司遂廢孟養之人從旦之侄玉賓散居干崖金沙江諸處

皇明大政紀 八卷

者三千餘人朝廷嘗命玉賓署宣慰使以撫之至是復設宣慰使授刀得孟養宣慰使改授玉賓爲本司同知

公率其衆復業仍遣使諭那羅哈各守疆境毋再侵擾以取罪愆

巳卯 萬壽節 上御奉天殿受朝賀大宴文武羣臣及四夷朝使

士午設淮安府之清河福興等關徐州之沽頭金溝等關山東之谷亭魯橋等關各置關官一員

癸未預制 皇太孫及妃儀仗 行在禮部尚書呂震言 皇太孫將行婚禮預製儀仗

其製宜如親王 皇太孫妃冠服儀仗亦如親王制惟

增製燕居冠服從之

交趾鎮夷衛百戶丁仕驗來朝貢馬謝恩 賜鈔幣遣還五月壬辰朔日食

暹羅國王昭祿羣英哆羅諦刺卒 遣使中官郭文往祭別遣使封其子二賴波磨刺札的嗣爲王并賜素紵羅白

縐絲布等物 甲戌總兵官都督金玉等擒獲廣靈山寇劉子進等百三

十五人械送至京 命行在刑部止誅劉子進餘免死戍邊

上曰此徒本皆良民或因饑窘或爲官府害害不得已相率爲盜可止罪其首惡以示懲戒餘皆免死發交趾

皇明大政紀 八卷

南丹奉議河池向武五開銅鼓各衛克軍勅玉等還京丙申端午節 上御東苑觀擊毬射柳 賜文武羣臣宴

公侯以下至衛士耆民賜鈔有差 巳亥金吾右衛小旗王貴妻張氏一產二男一女命如例

庚子修揚州邵伯鎮上下二閘

辛丑大國師釋迦也辭歸 賜佛像佛經法器衣服金銀器皿

烏思藏等處闡化護教闡教等士吉刺等各遣使貢馬及方物 賜鈔幣有差

甲辰賑直隸六安英山碭山蕭縣及浙江西安諸縣饑民

凡二萬三千四百戶給糧三萬二千八百石有奇

丙午設交趾府州縣儒學及陰陽醫學僧綱道紀等司

庚戌英國公張輔言自廣東欽州天津驛經滬尾港至滬

淪佛海從萬寧縣抵交趾多由水道陸行止二百九十一

里比丘溫放路近七驛傳以便往來從之

丁巳復監察御史孫儼劾真王仲請官

儼等嘗坐累降旨入至是察其罪皆復之

已未敕遼東總兵官都督劉江及各都司錄海衛所謹備

倭寇相械剿捕

廣東海陽縣言去年冬繁霜殺麥夏稅乞折輸米粟從之

庚申陝西雨雹傷麥

皇明大政紀 八卷 十二

江西南昌等府言自四月至五月淫雨江水泛漲壞廬舍

沒田稼 命戶部遣人撫視

六月辛酉徐州沛縣淫雨傷稼

乙丑賜琉球王國子生百一十九人夏衣

掌寧夏衛事陝西都指揮使劉清有罪謫戍遼東

清私通外境激變番夷僭用服飾等事覺法司擬罪當

斬 特命宥死謫戍

巡按四川監察御史陳正倫言瀘州民饑乞去年稅糧折

收鈔帛從之

丁卯命都督同知蔡福等率兵萬人於山東沿海巡捕倭

上戒曰瀕海之民數罹寇害故命爾除寇安民爾且戒約束身先士卒以殄寇為務無縱下人重為民害違者併其將皆不貸

夜太白犯諸王東第一星

已巳真定府獲鹿縣雨雹傷稼

庚午交趾布政司右叅議勛率三江等府土官杜惟忠等

來朝貢馬及金銀器等物特賜宴勞陞勛為右布政使杜

惟忠為叅議餘官屬各陞一級賜綵幣有差

壬申命賑山西平陽大同所屬州縣饑民

甲申倭船三十二艘泊靖海衛楊村島勒捕倭都督同知

蔡福等會山東都司合兵殄滅勿悞事機

皇明大政紀 八卷 十三

戊子湖廣興國州歐文受妻李氏一產三男 命循例優

給 北直薊州遵化玉田通州潮縣及山東商河諸州縣雨水

傷稼 命戶部遣人撫視

命襄城伯李隆守備南京

七月庚寅朔享 太廟命 皇太子行禮

癸巳鎮守寧夏寧陽侯陳懋進嘉禾二實同蒂

山東鄒縣淫雨暴雨至壞民廬舍二百一十二戶

丙申山東霪化縣暴雨傷田禾

丁酉戶部言河南衛輝府新鄉縣山東安樂州北京通州

及順義宛平二縣蝗 命速遣人捕瘞

已亥設大名府元城縣小灘巡檢司

辛丑命保定侯孟瑛吏部侍郎師達督修漢世子府於青州

壬寅河南開封府十四州縣淫雨決黃河堤崖沒居民田稼

乙巳諭行在兵部精選指揮千百戶練習戎政者往沿海衛所 命東傳以行

掌錦衣衛事都指揮僉事紀綱有罪伏誅

綱濟南臨邑人由郡庠生從 上平內難累官錦衣衛

指揮使陞都指揮僉事日見信任而恃恩驕橫朋比罔上與指揮僉事莊敬等與販私鹽居處服飾器皿僭擬

皇明大政紀 八卷

十四

上用畜歌童舞女於家出入迎導詐傳旨詔役臨邑之

民營創私第擅作威福以危法中人受四方賂遺及侵盜官物不可勝紀氣勢傾中外事覺時敬在海上逮至

上命磔綱敬於市籍其家無少長咸謫戍邊

除福建光澤縣荒田二百三十六頃有奇租額

夜太白犯鎮星

丙午應城伯孫巖有罪免

初巖鎮通州通州衛千戶蔡元與金吾右衛千戶馬俊

鬪毆赴巖陳訴巖忿俊言不遜搥殺之事覺 上召問

巖巖不以實對刑科給事中陳敏効之 命法司會同

公侯鞠問之有驗免死安置交趾

戊申賜弗提衛指揮上不花刺郎地面回回鎖非等亦馬忽山地面女直野人鎖奴兀宴

已酉革南北二京城門郎

永平府久雨潦潦二河溢壞民田禾廬舍 命賑恤之

辛亥巡按江西監察御史成均劾江西布政司右叅政潘

賜不修職惟觴酒賦詩及督造海船慢令失候 命都察

院逮鞠之

蜀王椿密遣儀賓顧瞻奏谷王穗謀不軌遣中官齎勅穗

令途崇寧王還蜀且察其所為

先是谷府隨侍都督張興奏穗有不臣之心 上曰朕

徐察之興過南京又以穗所為密啟 皇太子皇太子

皇明大政紀 八卷

十五

遣人密奏之 上猶未夫椿聞之且奏穗恃寵縱橫有

無君之心藏匿亡叛造作舟艦弓弩器械教習兵法戰

鬪之事大建佛寺造天成閣私度僧千人晝夜祈禱呪

咀又與都指揮張成宦者吳智等日夜講議蹤跡詭秘

人莫知之號張成爲師尚父捏造圖識謂已於親王中

次在十八與識相應傳播於人又密遣典寶劉信獻寶

帶於椿藏所爲識語於帶匣復致書於椿有曰德蒼時

不可言桓文之事桓文時不可言德蒼之施辭意含蓄

往往類此又令巧匠製燈於上元節獻於朝就俾諸內

府架構偵伺動靜又選壯士習音樂擬獻於朝供應殿

庭以圖間隙前長史盧廷綱屢諫不聽反誣以誹謗具

奏磔殺之王府僚屬遂無敢復諫者指揮唐彰舍人單常嘗泄其事咸被搥殺又於長沙山林池沼竹木花果鳥獸魚鼈之利盡專之稅及六畜糞壤奇花怪石之類遠近盡移入府內為游觀之具長沙之民苦之上得奏嘆曰朕如何待德乃有此心又曰蜀王忠孝人宜不見欺且張都督嘗有言矣

夜鎮星犯鬼宿東南星

甲寅行在戶部尚書夏原吉言北京戶口食鹽惟足本處軍民之用今扈從官軍人衆鹽不足用宜令北京行部於長蘆鹽運司支運每鹽一斤收鈔一貫庶公私兩便鈔法亦通從之

皇明大政紀 八卷

十六

河南布政司左叅議王德有罪下獄

時令方宦官巡視民瘼徵所至恣肆貪酷杖殺新鄭等縣吏民數人刑科給事中李能劾徵縱貪婪如豺虎忽民命如草芥宜治其罪皇太子曰巡視民瘼求以生人而乃殺人奚可容命都察院逮鞠之

乙卯監察御史康慶劾山西都指揮稽肅嘗以妓女遺紀德交結朋黨命錦衣衛逮鞠之

丁巳女直野人頭目保童烙失塔木禿刺納忽失塔忽失納兀桑塔等來朝命為兀者右衛指揮同知僉事千百戶鎮撫等官俱賜誥命

己未雲南鎮康州及孟連大侯八寨諸長官司各遣人貢

馬悉賜鈔幣遣還

給戌交趾軍士衣鞋三萬七千六十五事

江西廣信饒州浙江衢州金華大水暴漲壞城垣房舍溺死人畜甚多命戶部遣人分視賑恤

遼東水浸沒城垣屯堡

彰德府所屬縣蝗

八月庚申朔巡按四川監察御史汪琳言越嶲寧番鹽井會川禮州德昌打冲河俱係極邊衝要衛所土城宜甃磚石從之

辛酉設吉灘衛命女直野人頭目牙速亦里當哈等為指揮同知千百戶賜誥印冠帶襲衣及鈔幣有差

皇明大政紀 八卷

十七

壬戌山海衛指揮使言衛城及長城圯壞三百六十餘丈宜修治從之

癸亥設亦馬忽三衛命女直野人頭目額奴兀哈散哈木答兀等為指揮千百戶鎮撫賜誥印冠帶襲衣及鈔幣有差

乙丑刑科部給事中曹潤有罪徙邊

丙寅改工部尚書吳中于刑部

戊辰祭大社大稷命皇太子行禮

癸酉旦壽見欽天監以開行在禮部尚書呂震率文武百官請上表賀不許

諭曰朕惟太祖高皇帝膺受天命掃除羣雄創業垂

統立綱陳紀以安天下。疏茲太平，是以上天垂象，慶顯鴻應，揆朕涼薄，曷克膺茲知天道無常，惟德是輔。凡為臣民能遵守太祖高皇帝成憲，為子盡孝，為臣盡忠，奉公守法，安分守己，用成福祐國家之祥，孰大於此。爾文武臣僚，宜各盡心輔朕，不逮國家有永遠之安爾等。暨爾子爾孫，亦同享永遠之福。壽星之瑞，其勿賀。

丁丑詔天下軍民預北京營者，分番工所所在，有司仍給鈔五錠為道里費。

戊寅遣勅符金牌召谷王穗。

庚辰修永平還化州雨壞城垣。

辛巳刑科給事中丁有罪謫戍邊。

皇明大政紀 卷八

壬山陽人素無行，不為鄉里所齒。廷積不平，值里社賽神，遂誣告里人聚眾為妖，言死者數十人。法司言：「廷忠直有才，以為給事中，恒伺察人小過，敏以上聞人，皆側目。因肆貪黷，放濫無恥，及母喪未期，起復，輒同眾入大正齋，官復與慶成宴，為無察御史俞允言所劾，逮至。行在法司論以大不敬。」上曰：「朕素疑其奸邪，若悉行。」

癸未旌表太原府石州學正梁準孝行。

準，鳳翔人。母喪，廬墓哀毀有聲。鳥飛鳴其上，種樹有鵲來巢。有同上其事，特旌之，擢為均州知州。

乙酉交趾德天衛并交州中左右衛指揮陶弘等各遣人

貢馬及方物謝授官恩。各賜鈔幣遣還。

玄直野人頭目木良苦等來朝，設禮貞衛，命為指揮。丁亥，作西宮。

初，上至北京，仍御舊宮。及是時，將撤而新之，仍命工部作西宮為視朝之所。

九月丙申，勅右軍都督僉事歐陽青九各衛撥隨侍漢王者，令各還原伍，不許稽留。

上聞漢王高煦於各衛選精壯軍士及有藝能者，以隨侍為名，教習武事，造作器械，益疑之。遂有還北京之意。

今監察御史巡鹽。

皇明大政紀 卷八

掌常山右護衛都指揮同知陳中常山中左二護衛都督指揮僉事徐良楊旺以擅調軍士謫戍交趾。

宛河南寧陵縣被水田租。

北京行太僕寺卿湯砥請定民計丁養馬從之。

砥言：「近日馬蓄息而少牧養之人，請令民五丁養種馬一每十馬立羣頭一人，五十馬立羣長一人，養馬之家歲納租糧之半而薊州以東至山海諸衛土地寬廣水草豐美，其屯種軍士亦宜人養種馬一疋，歲子粒亦免其半。」上曰：「既責軍士孳牧，則不可復徵子粒，其悉蠲之，餘從所言。」

壬寅保安衛指揮使司議諸隘口用官軍防守從之。

議境內隘口可通車騎者三曰深井口李家莊大箭口皆宜設烽墩分兵守之惟牧小徑八曰舊寨庄桃花口賈兒嶺靈山寺紙方溝天井關泗水口小箭口悉已塞之其紙方溝等處又有司攀援而度者亦宜分兵巡守今議可通車騎者用百戶一員領甲士二十人守備焦牧小徑宜用甲士十人

癸卯京師地震

甲辰年刻順寧王馬哈木賢義王太平等使臣觀音奴不各等詣進 賜鈔馬道甲費 命太監海章等齎勅同往諭以通途隔斷之道許賜之絲幣

丁未六 車駕將還京於奉天殿丹陛設壇告天地遣

皇親大臣紀 八卷

二十

祭北京山川城隍旗纛諸神及所經陵寢祠廟悉如八年之制

夜月犯畢宿

戊申 車駕發北京命監察御史存問高年循例給賜

甲寅直隸鹽城縣颶風海水泛溢傷民田二百一十五頃

有奇 皇太子令蠲田租一千一百七十餘石

十月己未朔享 太廟 皇太子代行禮

庚申廣東都司言碣石衛水壞城垣請以軍士修築 皇太子從之

乙丑 車駕至濟寧

先夕夢魯王肇輝侍立甚恭既旦肇輝來謁 上甚嘉

賜勅獎勵加賜鈔幣米千石益肇輝居國簡靜奉法謹禮 上素重之云

丙寅設沛縣昭陽湖板關

壬寅 車駕次夾溝親祀徐王墳

占城國王占巴的頓遣使貢犀象等物

丙子土魯番地面回回法忽兒丁等貢馬七十疋 皇太子命禮部賜養如例

丁丑 車駕次鳳陽親祀 皇陵 賜耆民酒肉帛

癸未 中為奉天師還宮告天地宗廟社稷及京都祀典

諸神賜 孝陵還御奉天殿受朝賀

徵召土禮至京 命申官送至王邸

皇親大臣紀 八卷

三十一

以蜀王奏示之撫慚懼慄無一言自辯但曰死罪

罪 上大地大恩全其生耳

甲申成國公朱勇節察院左都御史劉觀同文武羣臣劾

谷王德諱逆實狀請嚴正法 上以朕自有處論之

丙戌哈密忠義王孛羅帖木兒遣指揮脫脫不花貢馬三

百疋哈密回回馬黑麻撒刺只等各貢方物

丁亥禁交趾安息諸番不得出境

十一月戊子朔飲天監進永樂十五年大統曆 上御奉

天殿受之頒賜諸王及文武羣臣

古里瓜哇滿刺加占城蘇門答刺南巫里沙灣泥彭亨錫

蘭山木骨都東瀾山喃渤利不刺哇阿麻林刺撒忽魯誤

斯柯枝諸國及舊港宣慰司各遣賜貢馬及犀象方物賜使臣宴

已丑詔戶部歲給漢王趙王祿米各止萬石

辛卯以谷王神謨違事條示諸王議其罪

癸巳廣東高要縣徭首周四哥來朝籍其屬八十七戶男女二百二十四口領入版籍供賦稅糧賜鈔幣遣還

辛丑周王國來朝宴于華蓋殿

壬寅召告臣來營建北京

先是車駕至自北京工部奏請擇日興工上以營建事重恐民力不堪乃命文武羣臣復議之於是公侯

伯子軍都督及在京都指揮指揮等官皆以北京河

皇明大政紀

卷八

二十二

鞏固水土厚民俗淳朴物產豐富誠天府之國帝

之都也誠所當爲而不可緩六部都察院大理寺通政

司等衙門尚書等官皆以聖上龍興之地北枕居庸

西峙太行東連山海南俯中原山川形勝足以控四夷

制天下誠帝王萬世之都也昔太祖以其地分封

陛下誠有待於今日乞早賜聖斷勅所司擇日興工

以成國家悠久之計以副臣民之望上從之

丙午勅交趾總兵官英國公張輔馳傳還京命豐城侯

李彬代鎮守

楚王禎來朝宴于華蓋殿

戊申立保安左右二衛

壬子冬至上御奉天殿受朝賀大宴文武羣臣及四夷朝使

周王禘楚王慎遇節謁孝陵命東宮皇太孫及小皇

孫陪謁遣鴻臚寺丞周昇齋欽定位大俾行之

上召楊榮楊士奇金幼孜皆至問曰二王東宮皇太

孫及小皇孫謁陵展敬之位如何朕意雖略定爾三人

試言之楊金未有對上顧問士奇對曰周楚二王尊

屬當列前兩傍東宮殿下列稍後居中皇太孫殿

下亦當中列於東宮殿下之後諸皇孫與皇太孫

同班兩分列兩傍上曰爾所言有據乎對曰宋儒朱

熹家禮大約如此上曰吾未嘗熟家禮但據已見書

皇明大政紀

卷八

二十三

其位次遂出片楮宸翰所書位次正與士奇言合

命禮部侍郎儀智侍皇太孫講讀

先是上命吏部翰林院舉老成正大儒者侍皇太

孫講讀憲義楊士奇共舉禮部侍郎儀智上曰此得

人矣雖老識朝廷大體能直言不阿向之元正日食呂

震等皆欲行賀禮惟此老與楊士奇言宜免朕從之儀

智可用侍從

丁巳徙山東山西湖廣流民三千三百餘戶於保安州免

賦稅三年

十二月戊午朔

上視牲南郊

辛酉修曲阜克國復聖公廟。

雲南車里故宣慰使刀邏答子刀雙孟遣人貢象馬及金銀器。賜之鈔幣。

丁卯遣中官鄭和等賜柯枝國王可亦里印誥并封其國中之山爲鎮國山親製碑文賜之。

壬申歷代名臣奏議書成。

先是。上以璽書諭。皇太子命翰林院儒臣黃淮楊

士奇等採古名臣直言。彙錄以便觀覽。至是書進。上

覽而嘉之。謂侍臣曰。致治之道。千古一揆。君能納善言。

臣能盡忠。不隱天下。未有不治。觀是書。足以見當時人

君之量。人臣之直。爲君者以前賢所言。便作今日事。聞

皇明六政紀 八卷

爲人臣者以前賢事君之心。爲心天下國家之福也。遂

命刊印以。賜皇太子。皇太孫及諸大臣。

勅都督真中馬聚往湖廣調長沙護衛官軍三千戍守。遂

東二千戍宣府。二千戍保安。諸衛餘調山東緣海六衛改

儀衛。正爲正千戶。儀衛副爲副千戶。典仗爲百戶。校尉女

戶俱克軍。

丙午設永寧衛以統屯戍口北長安嶺等刑徒。

丁丑增設武功中衛中左中右中中中中後五千戶所

統南丹等衛改調官軍及新編軍匠。

己卯貴州左布政使蔣廷瓚請本司及所屬郡縣官俟六

年滿日通具功績赴京考覈從之。

增言本司及郡縣俱係新設大小官員同日之任。今三

年例該給由而蠻夷之人難服易變。若皆依例赴京。水

陸往復動輒經年。況今土貢賦正資清理金銀坑冶亦

須提督缺官撫字。必致乖離。故請俟六年

命監察御史黃宗載巡按交趾。

交趾營房皆覆茅多火宗載令三司幕官伐材陶瓦不

半年營房皆瓦火患遂息。

壬午陞戶科都給事中胡濙爲禮部右侍郎。

陞翰林院修撰爲本院侍講學士。

丁亥置遼東金州旅順口望海塢左眼右眼三手山西沙

洲山頭瓜牙山敵臺七所。

皇明六政紀 八卷

是歲天下戶九百八十二萬二千七百五十七口五千一

百八十五萬八千一百七十二賦糧二千二百五十一萬

一千二百七十石餽運北京糧八百八十一萬三千四百

六十三石交趾上供絹千六百六十八疋漆二千斤。蘇木

千五百斤。翠羽二千。紙扇一萬。沉速安息香二十三品。

丁酉永樂十五年正月戊子朔。

倭寇浙東。

二月廢谷王橈爲庶人。

橈太祖第十八子也。幼不好學多智識初封國宣府

靖難師起橈遁歸京師建文君親信之令守金川門靖

難師渡江橈即開門迎入上卽位待之加恩賜資無